



實用淨土叢書

(贈送結緣品)

(九) 往生論註・往生淨土論講要
往生淨土論講記

正覺精舍 編輯

實用淨土叢書

曇鸞大師
太虛大師
印順導師

著述

(贈送結緣品)

(九) 往生論註・往生淨土論講要
往生淨土論講記



正覺精舍 編輯

普爲出資及讀誦受持
輾轉流通者回向偈曰：

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
讀誦受持人 輾轉流通者
現眷咸安樂 先亡獲超昇
風雨常調順 人民悉康寧
法界諸含識 同證無上道

實用淨土叢書（九）

共十二冊

往生論註·往生淨土論講要
往生淨土論講記

講述者：曇鸞大師、太虛大師、印順導師

記錄者：顧 法 嚴

印贈者：正 覺 精 舍

地 址：南投縣埔里鎮史港里獅子路一六號

電 話：（〇四九）九三一九〇七

傳 真：（〇四九）九三〇五二六

承印者：信利印製有限公司

電 話：（〇二）二三〇五二三八〇

中華民國八十九年本師釋迦如來涅槃日

恭印貳仟部贈送結緣

實用淨土叢書序

大矣哉！淨土念佛法門，誠乃末法眾生出離生死苦海之第一慈航。故《大集經》云：「末法億億人修行，罕一得道；唯依念佛，得度生死。」其教理之深妙，唯佛與佛，方能究竟。而且三根普被，利鈍全收。是以往聖前賢，人人趣向；千經萬論，處處指歸也。

至於修法大要，佛祖所示，略述數端：一曰爲了生死：凡夫眾生，無始以來，輪迴六道，頭出頭沒。切記經訓，命在呼吸。痛念無常，如喪考妣！奮大決志，誓求出離！二曰發菩提心：我有生死，我求出離；一切眾生，與我同體，過去父母，未來諸佛，亦當如是，度其出離。《無量壽經》，三輩往生，咸須發心，可見其要！故須稱性發菩提心。三曰虔修三福：《觀經》三福，三世諸佛，淨業正因，行者根本；紮住根本，華果方茂！行者亦爾，虔敬修之，方生彼國，終究成佛。四曰心作心是：「是心作佛，是心是佛」也。「是心作佛」，即全性起修；

「是心是佛」，即全修合性。性修不二。彌陀是眾生心中之彌陀；眾生是彌陀心內之眾生。自他不二；依正不二。西方主伴、依正等，皆我一念心中本具，何有心外之法哉？五曰備三資糧：備者，具備也。如鼎三足，缺一不可！三資糧者，曰信、曰願、曰行。資糧者，如人遠行，必備糧草；行者亦爾，欲生安養，必須具之。此三資糧，法門宗要。非信無以發願；非願無以導行；非持名妙行，無以滿所願、而證所信。靈峰大師云：「得生與否，全由信願之有無；品位高下，全由持名之深淺。」信者，印祖云：「信即信我世界是苦；信極樂世界是樂。信我是業力凡夫，決定不能仗自力斷惑，了生脫死。信阿彌陀佛有大誓願，若有眾生，念佛名號，求生佛國，其人臨命終時，佛必垂慈接引，令生西方。」願者，發起至誠懇切厭離娑婆、欣求極樂之誓願也。娑婆世界，眾苦逼迫，所謂：三苦、八苦，乃至無量諸苦，苦不堪言，是以必須厭離。極樂世界，但受諸樂，所謂：同佛光壽，神通自在，上善俱會，鳥樹演法，黃金布地，衣食自然等，樂莫能宣，是故必須欣求。行者，以執持

名號、一心不亂爲正行；以諸惡莫作、眾善奉行爲助行。執持名號，則聞斯守之，堅固貞永。「都攝六根，淨念相繼」，至誠懇切，如孝子之憶念慈母，必蒙感應道交也。一心不亂者，蕩祖云：「一心亦二種：不論事持、理持，持至伏除煩惱，乃至見思先盡，皆事一心；不論事持、理持，持至心開，見本性佛，皆理一心。事一心不爲見思所亂；理一心不爲二邊所亂。」念至伏惑者，生凡聖同居淨土。事一心者，生方便有餘淨土。理一心者，分破無明、分證法身，則生實報莊嚴淨土，並分證常寂光淨土。若無明破盡，則生究竟常寂光淨土。諸惡莫作，則舉凡三業，損他損自、損他利自者，皆不可爲之。略則斷十惡業；廣則無量無邊惡業悉除。眾善奉行，則凡是三業，利他利自、利他損自者，皆當爲之。略則修十善業；廣則六度萬行，悉皆奉行。六曰誠敬專勤：誠敬者，竭誠盡敬是也。有一分誠敬，則消一分罪障，增一分福慧；有十分誠敬，則消十分罪障，增十分福慧。此乃印祖常示人者也。專勤者，專一精勤是也。專一則專持洪名，不雜他念；專爲生西，不作他用。精勤

則不虛棄一時，四儀無間，造次顛沛，必於是也。果能如斯、一一行之，今雖暫客娑婆，不久蓮池會上人也。

《實用淨土叢書》者，乃吾之良師益友——慧公和尚所謹編者也。彼之與清，相知久矣！慧公乃一讀誦大乘、解第一義、融通性相、會歸淨土、戒乘俱急、篤修淨業之老實念佛人也。早歲親近淨宗大德——煮雲長老最久，得其薪傳。歷主精進佛七，自利利他。今正住持「正覺精舍」，秉承「持戒念佛」之道風。平日領眾，則遵循律制，一心敬慎，以身作則。每週則定時慈悲爲眾授課，內容則以宣揚淨土念佛法門爲主。諸如：《彌陀疏鈔演義》、《無量壽經》等，講前必用心預備，是以妙語珠璣，聞者歡喜。吾於關中，亦曾恭聆其法音。旁徵博引，說理圓融，口若懸河，令人讚歎！近日鑑於時弊，興悲愍心，因緣成熟，擬編是書。觀其所列書目，則以闡揚淨土五經一論爲主。蓋此乃淨業行者所依聖教大本。若能時常輪流而讀誦之，則深信、切願、力行之心，必任運恆生。更能進而洞了其中含義，則求生極樂之心，萬牛莫挽矣！且爲契

時機，其中有關註疏講錄等，咸採古今祖師、高僧大德、善知識所弘揚、深入淺出、令人易解者。是以顏曰「實用」，良有以也。餘如彼序，不復贅言。茲將付梓，囑序於余，余何敢辭？乃不揣淺陋，略讚法門殊勝，暨述修法大要、編輯原委等，聊表讚歎隨喜云爾。若有不周、訛誤之處，尚祈

諸山長老大德、十方尊宿賢達，不吝賜正，是爲至禱！末以一偈，以爲結勸：

是書簡直拯世大妙方

從此信深願切念誠莊

專勤攝根淨念如憶母

畢竟當來莞爾歸故鄉

普願見聞，發無上心。人請一部，展轉流通。廣度有緣，咸生蓮國！是爲序。

中華民國八十九年三月十五日後學釋果清敬序於南山蘭若

實用淨土叢書——序

夫信願行，乃淨土法門之三資糧。唯，有信無解，願心難發，願既未發，行亦不立。蓋必因信求解，明了義理，真信乃生。真信既生，切願自發，信願具足，然後修行，方能證所信滿所願，未有心不了了，而行能堅久不退者也。古德所謂：『讀經須解義，解義即修行，若依了義修，直入涅槃城。』意即在此。淨土法門，雖仗佛力之易行道，但往生品位，不無階次，讀誦大乘，解第一義，乃能上品上生耳。

淨宗學人，常忽於解門原因有二：一者六字洪名，簡單易持無師自通；二者經論著疏，文字艱深難以契入，法門深義無從了解。因而，或人云亦云，僅知當然未知所以；或不遑深入，僅及概略未作探究。逢緣遇境，猶豫徘徊，往往中道退心，或半途而廢，或轉入歧途，修之者多證之者寡，良可慨嘆！

茲特謹輯淨土五經一論（印光大師鑑定版本）及古今高德有關著

述，深入淺出，機理雙契，文字暢達，引人入勝，初學有入手處，久修知思擇處。

復有『思歸集』及『念佛法要』二書，乃擷摘淨土群籍精要，及祖師古德念佛心傳，學者可坐擁淨法寶藏，直探祖佛心源！至於修行過程，仍有疑難，可檢閱『淨土法門問答』一書，推比類解，掃除迷雲。以古今高僧大德宏觀睿智，作為菩提道上指路南針，自始至終，遠離迷津，安抵寶所，慶幸之餘，應懷感恩！

學者誠能手此一部，審讀諦思，深解義趣，發菩提心，生真信願，精勤貞固，誠敬專修，則淨業成就，應不為難。是本書以『實用』二字名題之由來也。至於選輯或有未盡，尚祈高明不吝教正是幸。

後學 釋慧天 謹識

中華民國八十九年二月十五日於 埔里正覺精舍

實用淨土叢書目錄

- (一) 淨土五經
- (二) 佛說阿彌陀經講錄
- (三) 佛說阿彌陀經講錄
- (四) 佛說觀無量壽佛經講記
- (五) 佛說觀無量壽佛經講錄
佛說觀無量壽佛經集解
- (六) 佛說無量壽經講義
- (七) 佛說無量壽經五譯節本講錄
- (八) 大勢至菩薩念佛圓通章講錄
華嚴經普賢行願品講錄
- (九) 往生論註・往生淨土論講要・往生淨土論講記
- (十) 思歸集
- (土) 念佛法要
- (三) 淨土法門問答

往生論註



往生論註序

生死吾人第一大事也。淨土法門。了生死無上妙法也。一代時教。浩若淵海。其究竟暢佛普度衆生之本懷者。唯淨土一法而已。以下凡信願念佛。即可帶業往生。上聖若肯回向。速得圓成覺道。仗佛慈力。與唯仗自力。其難易固日劫相倍。天親菩薩廣造諸論。宏闡佛乘。復宗無量壽經。作願生偈論。示五門修法。令畢竟得生。具顯禮拜讚歎。作願觀察。回向之法。於觀察門。詳示淨土莊嚴。如來法力。菩薩功德。凡見聞者。悉願往生。曇鸞法師撰註詳釋。直將彌陀誓願。天親衷懷。徹底圓彰。和盤托出。若非深得佛心。具無礙辯。何克臻此。夫淨土一法。爲一切諸法之所歸趣。以故華嚴證齊諸佛之等覺菩薩。尚須以十大願王回向往生。則文殊普賢。馬鳴龍樹。智者慈恩。清涼永明等。自行化他。同歸淨土者。有由來矣。知此則唯執自力。不仗佛力者。可以怵然驚憬。然悟。以期現生。卽得出此娑婆。生彼極樂。與觀音勢至等諸上善人。俱會一處。常時親炙阿彌陀佛。以冀證無生忍。圓滿菩提而後已也。吾言不足信。請質之普

賢菩薩自可無疑矣。民國十一年壬戌五月望日。常慚愧僧釋印光謹撰。

滿益大師所選淨土十要。實爲淨宗最要之妙典。成時大師欲爲廣布。特節略之。致使有文義隱晦。稍拂初機之處。因搜羅原本。特爲排印。仍作四冊。以卷有薄者。遂取古德宏揚淨土之要文附之。如帝網珠。互相輝映。誠爲淨宗一大快事。竊以天親菩薩往生論。淨宗之要典也。世罕流通。曇鸞法師之註。文暢達而義深邃。洵足開人正智。起人正信。乃淨業學人之大導師。惜中國久已失傳。清末楊仁山居士請於東瀛。刻以流通。因論註相聯。初機殊難分判。乃逐段標出。令徐蔚如居士刻於北京。今擬將此書。并蓮華世界詩。合作一冊。以作淨土十要之附本。冀與十要并傳於世。庶可燧焯火宅。常被焚燒之同倫。知此宅之外。原有最極清淨安隱之家鄉。從茲當仁不讓。賈勇先登。同出五濁。同登九品。同預蓮池海會。同侍無量壽佛。以漸證夫無生法忍。與無上菩提。得以上不孤於佛化。下不負於己靈。方可名爲真大丈夫也已。民國二十一年壬申季春。釋印光識。

無量壽經優婆提舍願生偈

此卷依東瀛本與藏內稍別

婆藪槃頭菩薩造 元魏菩提留支譯

世尊我一心。	歸命盡十方。	無礙光如來。	願生安樂國。	我依修多羅。
真實功德相。	說願偈總持。	與佛教相應。	觀彼世界相。	勝過三界道。
究竟如虛空。	廣大無邊際。	正道大慈悲。	出世善根生。	淨光明滿足。
如鏡日月輪。	備諸珍寶性。	具足妙莊嚴。	無垢光燄熾。	明淨曜世間。
寶性功德草。	柔輦左右旋。	觸者生勝樂。	過迦旃鄰陀。	寶華千萬種。
彌覆池流泉。	微風動華葉。	交錯光亂轉。	宮殿諸樓閣。	觀十方無礙。
雜樹異光色。	寶欄徧圍繞。	無量寶交絡。	羅網徧虛空。	種種鈴發響。
宣吐妙法音。	兩華衣莊嚴。	無量香普熏。	佛慧明淨日。	除世癡闇冥。
梵聲悟深遠。	微妙聞十方。	正覺阿彌陀。	法王善住持。	如來淨華衆。
正覺華化生。	愛樂佛法味。	禪三昧爲食。	永離身心惱。	受樂常無閒。

大乘善根界。	等無譏嫌名。	女人及根缺。	二乘種不生。	衆生所願樂。
一切能滿足。	是故願生彼。	阿彌陀佛國。	無量大寶王。	微妙淨華臺。
相好光一尋。	色像超羣生。	如來微妙聲。	梵響聞十方。	同地水火風。
虛空無分別。	天人不動衆。	清淨智海生。	如須彌山王。	勝妙無過者。
天人丈夫衆。	恭敬繞瞻仰。	觀佛本願力。	遇無空過者。	能令速滿足。
功德大寶海。	安樂國清淨。	常轉無垢輪。	化佛菩薩日。	如須彌住持。
無垢莊嚴光。	一念及一時。	普照諸佛會。	利益諸羣生。	兩天樂華衣。
妙香等供養。	讚諸佛功德。	無有分別心。	何等世界無。	佛法功德寶。
我願皆往生。	示佛法如佛。	我作論說偈。	願見彌陀佛。	普共諸衆生。
往生安樂國。				

無量壽修多羅章句。我以偈頌總說竟。

論曰。此願偈明何義。示現觀彼安樂世界。見阿彌陀佛。願生彼國故。云何觀。云何生。

信心。若善男子善女人。修五念門行成就。畢竟得生安樂國土。見彼阿彌陀佛。何等五念門。一者禮拜門。二者讚歎門。三者作願門。四者觀察門。五者迴向門。云何禮拜。身業禮拜阿彌陀如來。應正徧知。爲生彼國意故。云何讚歎。口業讚歎。稱彼如來名。如彼如來光明智相。如彼名義。欲如實修行相應故。云何作願。心常作願。一心專念。畢竟往生安樂國土。欲如實修行奢摩他故。云何觀察。智慧觀察。正念觀彼。欲如實修行毗婆舍那故。彼觀察有三種。何等三種。一者觀察彼佛國土莊嚴功德。二者觀察阿彌陀佛莊嚴功德。三者觀察彼諸菩薩莊嚴功德。云何迴向。不捨一切苦惱衆生。心常作願。迴向爲首。得成就大悲心故。

云何觀察彼佛國土莊嚴功德。彼佛國土莊嚴功德者。成就不可思議力故。如彼摩尼如意寶性。相似相對法故。觀察彼佛國土莊嚴功德成就者。有十七種應知。何等十七。一者莊嚴清淨功德成就。二者莊嚴量功德成就。三者莊嚴性功德成就。四者莊嚴形相功德成就。五者莊嚴種種事功德成就。六者莊嚴妙色功德成就。七者莊